

Vun driweriwer

erscheint auf www.lenauheim.de

monatliche
Erscheinung

Juni 2014

von Helen Alba

Großi Trachteparadi in Glogowatz

Tächlang han fleißichi Händ Trachte hergericht. Die Eismänner han geschalt un gewalt. Bei jedem Blitz un Dannerschlach sin unser Schwowinne zammgezuckt. Es hat Haigawle gereent un sogar Schloöbe sin gfall. Während em Arweite han se nor denke misse: Mir hoffe, dass die villi Arweit ach Anwert krien werd an dem Trachtesamschtach in Glogowatz un dass de Wettergott mithalle un ke Reen ufkumme losst. Un es war zwar bissl trieb an dem 17. Mai 2014, doch gereent hats nit, wie 73 stolzi Trachtephaare dorch die Großgemeinde maschiert sin. Die mehrschi Arweit hat sich derbei die Bäsl Adelheid Simon, Vorsitzeni vum Arbeitskreis „Banat-Ja“ Rumänien un Leiterin der Neiarader Tanzgruppe ufghalst. Doch sie hat alles so gut organisiert, dass des Trachtesfescht e große Erfolg war. Sie hat erzählt: „Erschtens muss gsaat gin, dass sowohl de Glogowatzer Richter, Ioan Crisan, wie ach Cristian Sebin, e ehemaliche Schiller ausm Neiarader Adam-Müller-Guttenbrunn-Lyzeum un jetz Vorsitziender vum neigegründete Glogowatzer deutsche Forum, tatkräftich mitgholf han, des Fescht in die Weche zu leite un zu gestalte“.

Farwicher Trachteumzuch

Un wie dann es Fescht anfang hat, han sich staat un staat die Trachtephaare vor em scheene Kulturheim versammelt. Es war ach gsorcht, wu se sich anziehe han kenne, weil hiner dem Kulturheim is e neies Jugendhaus gebaut gin. Do muss ich jetz mei Phefferkheere abgin un bissl stalliere. E große moderne Bau is des Kulturheim, mit Vorplatz un riesichem Hof. Doch nirgens is e Bank zu gsiehn. Un Sitzplätzer sin dorte mit Sicherheit oft gsucht.

Die Blechmusik aus Nadlak hat ufgspillt un de Ufmarsch hat anfang: Vorewech mit ufgeputzer Kules, derno die Trachtephaare, insgesamt ware Trachte aus zehn Banater Ortschaften zu gsiehn: Glogowatz, Neiarad, Hellburg, Engelsbrunn, Wiesenhaid, Sanktanna, Sendlak, Saderlach, Bogarosch un Rekasch. Stolz sin se dorch die Gemeinde maschiert, han em feierliche Gottesdienscht in der katholisch Kerch beigewohnt, derno e scheenes Kulturprogramm gebot un owets während em Baal es Tanzbeen gschwung.

Trachte ausm Dreimädlhaus

Adelheid Simon: „Erscht han mer gemennt, mir misse mit drei Ortstrachte, die mer in Glogowatz ufgetrieb han, ufmaschiere. Doch dann han mer noch Trachte aus Deutschland, vun Leit die ausgewannert ware un die Trachte mitghol han, gschickt kriet. Un ach de Hinweis is kumm, dass doch bei der Kerwei 1994 in Glogowatz die drei Oancea-Mädle mitgemacht un sicher die Trachte ufghob han. So wars dann a. Es is uns gelung, alli vier Trachtekleider, die mer frieher in Glogowatz an der Kerwei getraa hat, vorzuweise: e scheckichi Tracht, die am Kerweisamschtach beim Baamufstelle vun de Mädle angezoo gin is, die Kerchetracht (Kittl un Joppl aus griener, brauner oder blooer dunkler Brokatseid), in der se em Kerweihochamt beigewohnt han, die weissi Spitzetracht mit hellblooem Leibche, die am Nohmittach getraa is gin un die blumich Tracht, in dere ufm Kerweibaal getanzt gin is“.

Kerwei- un Traubenkränzchentracht aus Neiarad

Die rosaroti Kerweitracht Neiarad is schun in de 60er un 70er Johre getraa gin. Doch vor em Zweite Weltkriech war de Owerrock aus weißem, blumebesetztem Batist un in Falte gerafft. Solchi Trachte sin inzwischen nohgenäht gin. Die Traubenkränzchentracht han die Mädle frieher beim Erntedankfescht oder Trauwebaal angezoo. Die Reih der Neiarader war lang, Kiner un Jugendliche han mitgemacht. Die Bäsl Adelheid ment: „Es hätte gheere noch meh mitgemacht, doch uns fehle Unerreck. Mir han schun mol e Leintiecher-Aktion gstart un von frieher ingsammelt, aus de Leintiecher sin dann Unerreck genäht gin. Weil aus dem Material des mer heizutach zu kaafe kriet, kumme ke Unerreck zustand, die sich stärke un biegle losse, dass de Owerrock sitzt“.